



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Art. 11. Vtrum omnino liceat à communione abstinere.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

Iidum, ut interdum sit per obliuionem. Tunc enim communio in aliud tempus esset differenda: nisi grauis aliqua causa prohibeat.

ARTICVLVS IX.

Vtrum non-habentibus vsum rationis, sit dandum hoc Sacramentum?

24 **R**espondet Primò, Ijs, qui nunquam haberunt vsum rationis, non esse dandum Eucharistiam i'nt infantibus, & amentibus à nativitate. Ratio est: quia ad huius Sacramenti susceptionem requiritur deuotio & reuerentia; & vt accipiat tanquam cibus spiritualis.

Nec amentibus, nisi aliquando si ratione. **R**espondet Secundò, Ijs verò, qui aliquando vsum rationis habuerunt, & hoc Sacramentum desiderauerunt, dandum est saltem in periculo mortis, tanquam viaticum, etiam multos annos in amentia fuerint. Ratio est: quia illi habuerunt deuotionem actu ad hoc Sacramentum, quæ adhuc censetur virtute perseverare aliquo modo.

Olim infâribus dari solita. Notandum est Primò, In quibusdam Ecclesijs olim fuisse consuetudinem, vt etiam infantibus post Baptismum, & Confirmationem, daret Eucharistia: vt patet ex Dionysio lib. de Ecclesiastica Hierarchia cap. 7. parte 3, sub finem: Illud verò (inquit) quod pueri quoque, qui neadū possint intelligere, diuinum Sacramentum Baptismatis, & altissimorum Communionis sacrosanctæ signorum sicut participes, videtur profani ridiculum: &c. Idem colligitur ex Cypriano sermone de Baptizatis, vbi inter alia resert de quadam infantula, quæ Eucharistiam euouuit, ed quod panem tinctum idolis immolatum gustasset. Et Auctor de Ecclesiasticis dogmatibus c. 52. si parvuli sunt (nempe qui ab hereticis sunt baptizati) vel hebetes, qui doctrinam non capiant, respondant pro illis, qui eos offerunt; & sic per manus impositionem christiante communicuti, Eucharistia mysterijs admittantur.

Car. iam infantibus dari non debet. Sed haec confutatio ob iustissimas causas iam pridem in Ecclesia est abolita. Primò, Ob maximum periculum irreuerentia: fieri enim vix potest, vt infantes Sacramentum vel salvi non cipient, vel non expuant. Secundò, Quia requirit reuerentia, & deuotio, & vt accipiat tanquam cibus spiritualis; quod infantes non posseunt. Quare cum sine illo possint saluari, omnino decet vt illis non detur. Denique fundatum illorum, qui communionem censemant infantibus esse dandum, sunt verba illa Domini Iohannis 6. Nisi manducaueritis: quæ constat non pertinere ad infantes, sed ad solos adultos.

25 Detur omnibus qui implicitè eam desiderantur. Notandum Secundò, Non solum ijs dandum hoc Sacramentum, qui aliquando explicitè hoc desiderarunt, sed etiam ijs, qui implicitè: quales sunt omnes qui Christianè vixerunt, & modò rationis vsum sunt destituti, vt explicitè petere nequeant: qui quis enim Christianus, dum ratione vivitur, censetur implicitè velle suscipere omnia salutis sua remedium Christianæ plebi communia. Requiritur tamen Primò, Ut presumatur esse in bono statu; quod semper presumi debet, quamdiu non constat de contrario. Vnde etsi male vivit, si tamen postea signa contritionis dedit, non

est pristinus hoc remedio: vt colligatur ex decreto Cœcilij Carthaginensis citato hic à D. Thomas in Corpore. Secundò, Ut absit periculum ejectionis, vel alterius irreuerentia notabilis. Vide Siluestrum, Euchar. 3. q. 5. §. octauo.

ARTICVLVS X.

Vtrum liceat quotidie hoc Sacramentum suscipere?

26 **R**espondet licere, quotidie sumere, modò quotidie sis paratus vt dignè id præstes. Vide D. Thomam, qui id optimè explicat. Idem habet Concilium Tridentinum sessione 22. cap. 6.

Optaret quidem S. Synodus, vt in singulis Missis fideles Quotidie communicare fideles operat Tridentinum. adstant non solum spirituali affecta, sed sacramentali etiam Eucharistie perceptione communicarentur, quo ad eos sanctissimi huius sacrificij fructus vberior perveniret. Nec tamen, si id non semper fiat, idcirco Missas illas; vt priuatas, & illicitas damnat, &c.

Seculare octauo die communione cent. Adverte tamen, Quia varia sunt hominum negotia, & animarum occupations, satis esse, vt seculares octauo quoque die accedant: id enim sufficit ad fructum animorum, & habetur ratio reuerentia huius Sacramenti: difficile enim est secularibus crebris conueniens tempus huic sacratissima actioni impendere, & sc̄e debite preparare. Qui autem planè à mundo sunt segregati, & toti rebus spiritualibus dediti, s̄ quale debent Religiosi esse religiosi, & hisce similes iij sapient possunt & Deuoti, communicare; habita tamen ratione edificationis proximorum, & consuetudinis locorum.

Petes, An sapient in die liceat communicare? Respondeo; non licere, nisi fortassis in euentu: vt v.g. ad impedientiam iniuriam huius Sacramenti ab incendio, ab hæreticis &c. Id tamen non est iure diuino prohibitum, sed Ecclesiastico: quod colligitur ex Cap. Confusione, de Celebratione missarum; & Cap. Sufficiet, de Consecratione dist.

1. quibus locis Sacerdoti non permittitur secundò celebrare, nisi ob necessitatē. Vnde colligitur Doctores laico nō licere secundò communicare; quod etiam Ecclesia consuetudo confirmat. Quāuis tamen hora diei potest quis communicare, hora. modò sit ieonus, & absit scandalum; vt docet Angelus, Eucharistia 3. num. 36. & Silvester Eucharistia 3. q. 15. nulla enim lex obstat, aut consuetudo habens vim præcepti. Secūs de celebratione.

Semel du- taxat in die extra nec- cessarem.

ARTICVLVS XI.

Vtrum omnino liceat à Communi- nione abstinere?

28 **N**otandum est, quosdam Doctores sentire communionem laicam non esse iure diuino præceptam, sed solum consultam; iure tamen Ecclesiastico esse præceptam. Ita D. Thomas in 4. d. 9. vt testatur Cajetanus h̄c, qui in eam propendet, & Alexand. Halens. 4. p. q. 51. Bonaventura d. 12. art. 4. q. 1. Gabriel in Canonem lectio 87. Ferrariensis 4. contra gentes cap. 61. Silvestr. Eucharistia. 3. §. 1.

Sed contrarium est longe probabilitus & verius; nempe

Divino præcepto obligamus ad quandoque coniunctionem.

142 Quæst. 80. De sumptione huius Sacramenti. Att. 11. D. 1. 2.

nempe hominem teneri aliquando sumere hoc Sacramentum, non solum Ecclesia præcepto, sed etiam diuino mandato. Ita ferè alij Doctores.

Probatur Primò, Ioannis 6. v. 53. *Nisi manducaueritis Carnem Filii hominis, & biberitis eius Sanguinem, non habebitis vitam in vobis:* quæ verba intelligenda sunt de Eucharistiæ sacramentalium sumptione; ut suprà dictum est; & aperte insinuant huic sumptionis necessitatem ad vitam spiritalē: atqui hæc necessitas, non est necessitas medij: ergo est necessitas præcepti. Dices; ibi solum significari magnam utilitatem, quæ sapè meretur nomen necessitatis. Sed contrà: *Quia id est contra proprietatem verborum, à qua sine magna ratione non licet recedere.* Quomodo enim aperiens potius significare præceptum, seu necessitatem prouenientem ex præcepto, quām tali modo loquendi? Sic enim alibi necessitatem significat; *Nisi paenitentiam egeritis.* Deinde, Cur Dominus toties hoc inculcat, si solum proponit rem consilij, & liberam?

Probatur Secundò, Ex eo Lucae 22. *Hoc facite in meam commemorationem,* quibus verbis Dominus totam hanc actionem scilicet consecrationē, oblationem, dispensationem & sumptionem præcepit fieri in sua Ecclesia.

²⁹ Christus præcepit Communionem quoad substantiam, non ratiōnē quoad modūm.

Dices; Dominus non præcepit hīc ipsam substantiam sumptionis, sed modum; nempe, ut quando volumus sumere, id faciamus in ipsius memoriam: sic enim Apostolus videtur interpretari i. ad Corinth. 11. v. 26. *Quotiescumque, inquiens, manducabitis panem hunc, & calicem bibetis, mortem Domini annuntiabitis, donec veniam:* & noster Canon, *Hec quotiescumque feceritis, in mei memoriam facietis.*

Sed contrà: Primò, *Quia hinc sequeretur non præcipi etiam ipsam consecrationem, & oblationem;* sed solum modum necessariō seruandum, quando volumus consecrare vel offerre: quod falsum est. Secundò, *Quia istis verbis non præcipitur aliquis modus extrinsecus,* cum quo hoc Sacramentum debet consecrari, & sumi: sed intrinsecus, & substantialis: nam ipsa consecratio, oblatio, & sumptio est quedam commemorationis mortis Dominicæ: extrinseca autem memoria mortis Dominicæ non est absolute necessaria aut præcepta: ergo istis verbis præcipitur ipsa consecratio, oblatio, & sumptio. Tertiò, *Quia Concilium Trident. sess. 13. cap. 2. ait, Dominum præcepisse nos colere sui memoriam in huius Sacramenti sumptione, insinuans in ipsa sumptione consilire hanc memoriam, & per ipsam coli memoriam mortis eius.* Et Confirmatur ex eo, quod subiungitur; *Sunt autem volunt hoc Sacramentum, tanquam eum spiritalem, & tanquam antidotum &c.* aperte indicans ipsam sumptionem esse præceptam.

D V B I V M . I.

Quinam obligentur hoc præcepto?

³⁰ Præcepto Communionis non tenetur infantes.

R Esondeo, & Dico Primò, Non obligari infantes. Probatur, non enim per se obligantur; *Quia per se non possunt vlo modo obligationi satisfacere, cùm careant vnu rationis.* Neque etiam per parentes (sicut ad Baptismum) vt patet ex vnu Ecclesiæ, quæ non dat infantibus Eucharistiæ. Deinde, quia Dominus solis adultis loquitur Ioannis 6. cùm ait, *Nisi manducaueritis &c.* Vnde illa verba ad infantes nihil pertinent.

Dico Secundo, Obligantur omnes adulti ratione vntentes, etiam non baptizati; quamvis huic obligationi non possint satisfacere, nisi post baptismum. Probatur; quia Dominus Ioannis 6. omnibus adultis, etiam non baptizatis, dicebat; *Nisi manducaueritis &c.*

Hinc sequitur Primò, Catechumenum, qui Catechu-³¹ men in periculo mortis per negligentiam omitit baptismum, duplex peccatum committere: alterum contra præceptum baptismi, alterum contra præceptum sumptionis Eucharistiæ: tenebatur enim tunc vtrumque implere, etiā ordine quodam.

Sequitur Secundò, Etiam obligari eos, qui aliquid vnu rationis habuerunt. Quare si incidunt in amenantiam, & non constet eos esse in malo statu, necessariō debet illis porrigi à Parochis; nisi forte aliqua notabilis irreuerentia timeretur.

Sequitur Tertiò, Obligari etiam eos, qui morte plectendi sunt; nam ad eos etiam sententia Do-^{Morte} mini pertinet. Et quamvis Ecclesia ob grauissimam culpam possit eos communione priuare, etiam in extremis; vt pater ex multis canonibus Concilij Elibertini, & ex Concilio Sardicensi can. 2. & Innocentio I. epist. 3; tamen non expedit ob ingens periculum salutis; vnde etiam illi canones sunt reuocati; vt docet Innocentius epistola citata; & Can. *Quæst. 13. q. 2.* Concilium Moguntinum dicit ex præcepto canonum sacrorum talibus dandam esse communionem, si peniteant & confiteantur. Et Capitulo, quod incipit *Super eo,* de hereticis in 6. præcipitur dari viaticum ante supplicium, etiam hereticis relapsis, si sufficiens signa dederint penitentia & fidei. Idem præcepit Pius V. motu proprio anno 1569. qui receptus est in Hispania (vbi anteā erat contraria consuetudo) & lege regia confirmatus. Quare monendi sunt Magistratus, ne id impediatur; nam possent esse causa damnationis.

Sequitur Quartò, Obligari etiam pueros in articulo mortis, etiamsi nondum decem annos habent; modò eo sint iudicio, vt possint peccare nisi in morte mortiferè, & confiteri. Et ratio est, quia tunc sunt capaces necessaria reuerentia & deuotionis; & non expectatur commodius tempus, quo melius sint dispositi: ergo tunc tenentur accepere. Confirmatur; quia cùm sint capaces obligationis, censentur ratione articuli mortis iure diuino obligari. Ita Suarez, & multi recentiores. Extra mortis periculum tamen non obligantur: quia expectatur commodius tempus, quo magis instruantur, vt deuotiū percipient.

D V B I V M . I I.

Quando obliget hoc præceptum Communionis?

R Esondeo & Dico Primò, Obligare hoc præceptum in periculo mortis. Ita Duranus d. 9. q. 2. Item Gabriel, Richardus, Dominicus Soto, Petrus Soto, & multi recentiores. Probatur, *Quia si homo vnuquam in vita obligatur, certè tunc maximè, quando potissimum se debet ad unionem cum Christo disponere, & præsidii huius Sacramenti contra impugnationes dæmonis munire.*

Aduerte tamen, quosdam Doctores existimare, cum, qui in Paschate communicauit, non tenentur in

Qui si ante in Paschate communicatur.

néri in mortis articulo, etiamsi ille post multis mensis inciderit. Ita Caietanus in Summa, V. Communio. Paludanus d. 9. q. 1. Silvester V. Eucharistia 3. §. 1. Victoria q. 86. Denique Fumus V. Communio. num. 4. Verum, Contrarium est multò probabilius & omnino seruandum in praxi: tum ob rationem allatam, tum quia saltem iure Ecclesiastico tenetur. Nam Canones passim præcipiunt dari hoc Sacramentum infirmis moribundis ut viaticum: ut patet ex paulo antea dictis, & ex Concilio Niceno, c. 12. ubi excommunicatis è corpore discessuris iubet dari Eucharistiam, ut necessario vita sua viatico non fraudentur: additque hanc esse antiquam legis regulam; insinuans esse traditionem Apostolicam: nusquam enim inuenitur hoc institutum, semper tamen in Ecclesia diligentissime obseruatum, sic ut sine graui fidelium offensione non possit praetermiti: quod est signum stricte obligationis.

Qui si ante paucas hebdomadas.

Aduerte tamen, Si quis ante lex vel octo dies, vel forte etiam ante quindecim, communicasset, nihil cogitans de morte propinqua, & incidat tunc in mortis periculum, non teneri rursus communicare; ut docet Sotus dist. 12. q. 1. art. 11. Ratio est: quia ipsa communicavit instantे mortis periculo, ac proinde huic obligationi quadammodo satisfecit, eti ignorans. Sic qui die festo audiuit sacrum, ignorans esse festum, satisfacit præcepto sic ut non tenetur secundo audire: præterim cum quisque censeatur habere implicitam intentionem per suos actus satisfaciendi obligationi, si qua sub sit; nisi contrarium explicet. Valde tamen consulendum, ut rursus cōmunicet, etiamsi pridie ignarus vicinitatis mortis communicasset: nam formaliter non accepit Eucharistiam, ut viaticum, cum nihil de periculo cogitauerit.

Dico Secundò, Tenerit præterea homo iure diuino aliquoties in vita Eucharistiam percipere. Iure diuino aliquoties in vita Eucharistiam percipere. Ita auctores citati. Ratio est, quia præcipitur à Domino per modum alimenti spiritalis: sed alimento non solum in morte sumi debet; quin potius conditio eius postulat, ut in vita sumatur. Confirmatur, quia sicut alimento corporale sepius sumi debet in vita, ad instaurandas vires corporis, qua caloris actione debilitantur; ita alimento spiritale sepius sumi debet ad vires animæ reficiendas, qua calore concupiscentiae & formatis assidue debilitantur. Non est tamen contra ius diuinum differre per annum: nam Ecclesia id permitit. Fortasse tamen ad tres, vel quatuor annos extrahere, contra ius diuinum fuerit. Nam modus loquendi ipsius Christi insinuat sepius esse sumendum. Nullum tamen tempus preciscit ab homine determinari potest: nam Christus id non explicit, sed Ecclesiæ ordinatione permisit.

Dico Tertiò, Iure Ecclesiastico tenentur omnes adulti usum rationis sufficientem habentes, communicare quotannis; idque in Paschate. Patet hoc ex Cap. Omnes viri usque sexus, de Preuentibus. Vbi

34
Communio
Paschalis;
est iurius
Ecclesiastici.

Aduerte Primo, Tempus Paschatis complecti quindecim dies, qui sunt à Dominica Palmarum inclusuè, vsq; ad Dominicam in Albis inclusuè; ut declarauit Eugenius IV. teste Nauarro cap. 21. nu. 45. V. Eucharistia. Vnde sufficit, ut quis aliquo ex his diebus communiceat in sua parœcia. Ante autem, vel post communicare non sufficit, nisi alicubi ex consuetudine hoc tempus sit magis

extremum: sicut Conimbricæ, & Mediolani complectitur totam quadragesimam.

Aduerte Secundò, Satisficeri huic præcepto etiam per communionem sacrilegam in peccato mortifero, sic ut secundò non tenearis illo anno communicare; ut docet Conarruias in Caput Alma 1. p. §. 5. n. 1. & Sotus lib. 2. de Iustitia q. 3. art. 10. Ratio est: Quia implet substantiam operis, quam lex præcipit. Nec refert quod debito modo id non faciat: quia modus ille non præcipitur illa lege, sed lege diuina.

Aduerte Tertiò, Communiter Doctores docere, Eum, qui præuidet se habitum impeditum, Paschale non teneri anteuertere tempus Paschale. Ratio præterit, est: quia nemo tenetur anticipare tempus, cui ipsum opus necessariò connexum est, ut patet de festis, & ieuniis. Nam sic non impletur præceptum: cuius Egnus est, quia si cessaret impedimentum, teneretur nihilominus tempore statuto communicare, quantum anteuertri slet illud tempus. Se- cùs est in præcepto confessionis, quia non est con- nexum certo tempori, sed sufficit ut fiat intra annum. Vnde si videt fore impedimentum sub finem anni, & illo anno non est confessus sua peccata mortifera, tenetur anteuertere tempus Paschale sua confessione.

Aduerte Quartò, Eum, qui tempore Pachali non communicavit, teneri postea prima opportunitate. Probat hoc optimè Nauarrus loco citato cap. 21. num. 45. & colligitur ex Capitulo Omnes viri usque sexus, vbi sicut præcipitur ut quiuis confiteatur, saltem semel in anno; ita etiam præcipitur ut quiuis saltem semel in anno communiceat, idque ad minus in Paschale; quod etiam definitur in Concilio Trident. sess. 13. c. 9. ergo sicut confessio, eti differatur ultra annum, nihilominus obligat prima opportunitate; sic & communio. Et ratio est: quia lex non concedit terminum anni, ut tunc obligatio extinguitur; sed ut solutio obligationis non possit ulterius differri. Sicut in contractibus statuitur terminus solutionis, ultra quem non potest differri sine peccato; vnde si tunc non satisfiat obligationi, non extinguitur, sed assidue virget, donec ei satisfiat. Determinatur autem tempus Paschale, tum ut hac ratione communio non differatur ultra annum; sicut sepe in contractibus determinatur dies, ne ulterius differatur: tum quia hoc tempus ob mysterium institutionis huius Sacramenti, & Dominicæ passionis, est conuenientissimum. Non tamen ita alligatur communio tempori Paschali, sicut iejunium vigilia, & Misla diei festo, quorum obligatio perit cum tempore.

Aduerte tamen contrarium non esse improba-ble, scilicet quod obligatio extinguitur, si in Paschate non satisficeris. Ita Antoninus, Silvester, Tabiena, Ioannes Medina, Dominicus Soto, & Franciscus Victoria.

ARTICVLVS XII.

Vtrum liceat Corpus Christi
sumere sine Sanguine?

Respondetur Affirmatiè. Vide D. Thomam.

DVB-